



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01_
Datum: _.2015. godine

PRIJEDLOG

Na osnovu člana 14. Statuta Općine Tešanj ("Službeni glasnik Općine Tešanj" broj 11/07) i Odluke o usvajanju strategije razvoja općine Tešanj 2013-2018 ("Službeni glasnik Općine Tešanj" broj 3/13), Općinsko vijeće na svojoj sjednici održanoj dana _2015. godine donosi

**ODLUKU
o usvajanju planova kapitalnih investicija i infrastrukturnog razvoja**

Član 1.

Ovom Odlukom utvrđuje se pregled programa i projekata koji se odnose isključivo na kapitalne investicije i infrastrukturu i koji će biti finansirani iz sredstva budžeta, učešća mjesnih zajednica, GSM sredstva, sredstava od koncesija, naknade za korištenje šuma i sredstava vodnih naknada.

Član 2.

Općinski načelnik će i iz drugih izvora tražiti podršku/kandidaturu za realizaciju projekata koji su navedeni u planovima iz ove Odluke.

Član 3.

Realizacija svih navedenih projekata zavisit će od raspoloživosti izvora sredstava.

Član 4.

Sastavni dio ove Odluke su prioritetni projekti sačinjeni od radnog tima za izradu planova infrastrukturnih ulaganja, imenovanog rješenjem Općinskog načelnika broj 02-49-2-1739/15 od 24.08.2015.godine, a koji će služiti za kandidovanje i pripremu projekata.

Član 5.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

Prilog:

1. Višegodišnji plan infrastrukturnog ulaganja općine Tešanj 2016-2018
2. Jednogodišnji plan infrastrukturnog ulaganja općine Tešanj 2016

PREDSJEDAVAJUĆI VIJEĆA
Senad N. Subašić dipl.ecc

Obrazloženje:

I PRAVNI OSNOV

Pravni osnov za donošenje ove Odluke sadržan je u članu 14. Statuta Općine Tešanj, Odluci o usvajanju strategije razvoja općine Tešanj 2013-2018, Odluci o načinu raspodjele budžetskih i drugih sredstava za dugoročnu podršku realizaciji kapitalnih projekata i Odluci o načinu rasporeda i korištenja naknade od koncesija.

II RAZLOZI ZA DONOŠENJE

U okviru pribavljanja akreditacije za BFC certifikaciju općina sa povoljnim poslovnim okruženjem u jugoistočnoj Evropi, u cilju stvaranja i unapređenja povoljnog poslovnog okruženja, nakon Javnog poziva potpisali smo ugovor sa organizacijama GIZ, SDC, USAID i Sida, čime smo iskazali spremnost za ispunjene kriterija da se uključimo u proces za dobijanje certifikata. Na putu do certifikata treba ispuniti preko 80 kriterija koji podrazumijevaju unapređenje procedura, jačanje transparentnosti, efikasnost administracije i pribavljanje svih dokumenata i podataka neophodnih privrednicima i potencijalnim ulagačima u planiranju poslovanja i donošenju investicionih odluka. Među njima su i kriteriji 10.1 i 10.2 iz BFC SEE certifikacije, tačnije donošenje višegodišnjeg i jednogodišnjeg plana kapitalnih investicija i infrastrukturnog razvoja. Obzirom da je Općinsko vijeće Tešanj usvojilo Strategiju razvoja 2013-2018 koja sadrži višegodišnje planove/strateške ciljeve kojima su obuhvaćeni i oni iz oblasti ulaganja u infrastrukturu prilikom dostave dokazne dokumentacije to smo i naveli kao činjenicu (da imamo razrađenu metodu planiranja, usvajanja, praćenja i realizacije godišnjih projekata, uzimajući u obzir stavove i mišljenja privatnog sektora i javnih preduzeća).

Pored svega navedenog bili smo prinuđeni da izradimo višegodišnji i jednogodišnji plan infrastrukturnih ulaganja kako ne bi bili eliminisani iz dalje procedure jer je naša Općina u preliminarnoj provjeri dobila najveću ocjenu i navedena kao najbolji primjer dobre prakse u ekonomskom razvoju. Višegodišnji plan koji je urađen je samo izvod iz već usvojene Strategije razvoja te su u njemu izdvojene investicije/planovi definisani Strategijom koji se odnose na infrastrukturna ulaganja planirana za period od 2016. do 2018.godine. Bitno je napomenuti da će lista kapitalnih ulaganja koja idu za mjesne zajednice ostati nepromjenjena tj. da će se raditi na isti način kao i do sada.

Na osnovu navedenog, predlažemo Općinskom vijeću donošenje ove Odluke.

OBRAĐIVAČ:
POMOĆNIK OPĆINSKOG NAČELNIKA
Azra Muslija dipl.pravnik

PREDLAGAČ:
OPĆINSKI NAČELNIK
Mr.sci. Suad Huskić profesor

Broj: 02-49-2-1739-3/15

Datum: 12.10.2015. god.